



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Spes & Fiducia, Cvrис Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 9. Confirmationis sacramentum non esse negligendum.

[urn:nbn:de:hbz:466:1-49823](#)

virilem aut senilem ætatem tunc sacramen-
tum istud differebant) confirmare volente,
neque habente Clerico sacri olei ampullam,
turbatio magna extitit. Anxius Clericus vi-
am ijsdem vestigijs, recalcat, recurritq; eò,
vnde venerat. Dum, oculis huc, illuc, cu-
riosè missis, rem perditam indagat, reperit
ampullam in via iacentem, insigni auctu lo-
cupletatam. Nam, quæ antè nec media sui
parte plena fuerat, iam oleo sacro, usque
ad summum marginem referta, toti multi-
tudini sufficiebat, ad petitum Confirmatio-
nis Sacramentum suscipiendum. Igitur, qui
mulieri Sareptanæ, per Eliam, dixit : *Hy-* 3. Reg. 17.
dria farina non deficiet, nec lecythus olei minue- 14.
tur, ille etiam, ad spiritualem usum, oleo
addidit incrementum.

§. IX.

*Confirmationis sacramentum non esse
negligendum.*

Is ergo inuccandus est, qui nouit elicere Deut. 32.
mel de petra, oleumq; de saxo durissimo; siue id 13.
ad corporis sustentationem requiratur, siue
ad animi salutem. Fatuis Virginibus simi- Matt. 25.
les sunt, qui non ad Deum, sed ad homines 8.
dicunt: *Date nobis de oleo vestro.* Quod sanè
faciunt, quicunque non negligunt oleum,

I § quo

138 Cap. VI. Bonitas Dei in Baptismo

quo cibos condiant, aut corporis leniant tubera & cruciatus ; at de sacro oleo , quo anima in fide confirment, nihil omnino curant. Hinc tam sunt ad luctam , contra cacodæmonem aut Mundum , ineundam imbecilles. Hinc adeò parum, pro Religione labo- rant. Hinc castra & signa Ecclesiæ tam faciebant, & qui pro Catholicis stare debuerant, sunt primi hæreticorum defensores'. In Nouato Exemplum recenset Eusebius &

Euseb.
lib.6. Ec-
cles. c. 35.
Niceph.
l.6. c. 3.

Nicephor⁹. Is, in morbo, baptismo tinctus, post morbum , supersedit Confirmatione signari. Quare, persecutionis tempore, metu victus , presbyterū se negauit. Negatis, ô fatui, Christum, quouis periculo terremini ; quia à Deo oleum, & Spiritus S. unctiō nem non flagitatis. Apud vos ergo Christ⁹ & oleum & operam perdidit, frustra pro vobis passus, frustra Confirmationis Sacramēto vim passionis & sanguinis sui largitus'.

C A P V T VII.

Prouidentia iudicij g̃ diuini Bonitas , in Spirituali SS. Eucharistiæ alimento mirificè subministrato, declaratur. Vbi etiam docetur , quam grata sit Deo , Spiritualis communio.

§. I.